



Lihle le Lwandle ba ya bokgobapuku go yo itokišetša dithhahlobo.

Lihle o letile ka ntle. O bitša sesi wa gagwe, "Lwandle, phakiša."



"Ke nna yo," Lwandle a tswalela lebati.

"Gobaneng o apere diaparo tšeо? Molato ke eng, o a lwalà?"
Lihle a botšiša.



"Ge go ka thoma go tonya, ke tla ba ke eme gabotse,"
Lwandle a realo.

Lihle a araba, "Ke letšatši la Selemo. O aparetše sehla seo e
sego sona."



Lwandle a re, "E sa le ka pela efela letšatši le šetše le tagile ebile le a fiša.

Lihle a re, "Ee, ke ka lebaka leo yo mongwe le yo mongwe a aperego diaparo tša Selemo."



Lihle a hlaloša, "Mo sehleng se, letšatši le hlaba ka pela
gomme la dikela moragonyana go feta dihleng tše dingwe.
Letšatši ke le letelele. Go fiša kudu Selemo.



"Na ga o sa gopola gore morutiši o rileng?" Lihle a botšiša ka go fela pelo.

Lwandle a nagana, a re, "Ee, Selemo re nwa dinwamaphodi. Ke nyaka senwamaphodi!"




"Ka Selemo, re apara diaparo tša bofeso. Batho ba bangwe ba šomiša seamporene go itšhireletša letšatšing," Lihle a realo.

"Sepela ka go nanya, ke kwa go fiša!" Lwandle a ipelaetša.



"Bona batho ba itimola ka boruthelong. A re ye go rutha, go fiša kudu, re ka se kgone go bala," Lwandle a sega.

Lihle a šikinya hlogo a lebeletše sesi wa gagwe.



"Ke rata dikitšawa le dilitšhi," Lihle a realo a lebeletše dienywa tšeо di rekišwago tša Selemo.

"Ke nyorilwe," Lwandle a realo.

"Swara, ke tlie le meetse," Lihle a myemyela.



"Phišo e galefile! Ekaba Selemo se fela neng?" Lwandle a kgotsa.

Lihle a sega, "Itlwaetše phišo, Selemo se sa tšo thoma! Phišo e tla tšwela pele ka go namelela."



—Dipotšišo

1. Hwetša mantšu a mararo mo kanegelong ao a hlalošago Selemo.
2. Ke mang yoo a aperego diaparo tša:
 - Marega?
 - Selemo?Hlalošang dikarabo tša lena.
3. Ngwala dilo tše 2 tše re ka di dirago go timola phišo.
4. Ke dife dikotsi tše di ka hlagelago motho ge a dula letšatšing nako ye telele?
5. Hwetša dinaga tše hlano tša Aforika tše di itemogelago Selemo, Marega, Seruthwane le Lehlabula.